

沈天玉·國史通考卷之三十一
沈 天 玉 著 卅 一 卷

約章分類輯要

文藻出版有限公司印行

近代中國史料叢刊三編第十二輯
沈雲龍主編

約章分類輯要

蔡乃煌總纂

卷首—卷二序文、訂約門、交際門

文海出版社
有限公司
印行

中華民國七十五年六月出版

近代中國史料叢刊三編第十二輯

精裝：十冊
定價：新台幣



主編者：沈雲龍

發行人：李振華

出版者：文海出版社有限公司
臺北縣永和中興街一三三巷八號

郵政劃撥戶第〇〇〇二七八四一三號
電話：九二一二六五九號

印刷者：聯和印製廠有限公司

台北市寶興街二十一號

經銷者：臺灣全省各大書局

行政院新聞局出版事業登記證局版台業字第〇四四九號

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



類類 部部
轉轉 畢畢
與與 所所

光緒庚子仲冬
湖南商務局鑒

約章分類輯要

總纂 番 禹 蔡 乃 煌

| | | | | | | | | |
|---|---|---|---|---|---|---|---|---|
| 番 | 善 | 番 | 會 | 望 | 歸 | 南 | 武 | 番 |
| 禹 | 化 | 禹 | 稽 | 江 | 安 | 海 | 進 | 禹 |
| 陳 | 皮 | 陳 | 章 | 方 | 沈 | 羅 | 王 | 羅 |
| 希 | 嘉 | 慶 | 倬 | 兆 | | 葆 | 士 | 維 |
| 哲 | 祐 | 森 | 漢 | 霖 | 偉 | 祺 | 芬 | 翰 |

編
校



總敘

中國自與泰西通盟所為約章歲諸摠署以時頒下所司使奉行勿怠

朝廷所以重交誼昭大信者甚至顧官司謹于所守而民間耳目蹈故常偶有所觸輒生疑思其蔽也錮釁亦滋焉自天津有類纂卷之刺哀然大備桐鄉勞氏復

取其涉于內地者輯為纂要以便州縣之
講求厥意良美然月異歲不同或昔訂而
今刪或前疏而後密又十年於茲矣

天津列
斷自光

緒十一年勞氏列
斷自十六年 曩者疊奉

諭旨通飭各省纂集近年約章頒發各州縣俾
有率循湘南僻遠風氣甫開廉三奉

命來撫是邦既

奏設農工商務局為辦理交涉之所而以蔡
伯浩觀答摠其事因議華續訂之約與南
北通商衙門鈔錄成案就飭局員纂為
是編廢者剔之餘者削之新者益之要者
撮之為門十三為類二十九為表四為圖
七都為三十八卷凡閱一暮而成命曰約
章分類輯要雖見閩域于地蒐輯復迫

於時不無遺脫之憾而錯綜條貫比事鉤稽使讀者析其流而泝其源習其理而通其法亦可以泯異同之見審交際之宜矣又况事感變亟每發于所不及防使內無所恃外無所衷則旁皇于倉猝鹵莽滅裂烏有不敗壞者哉方今民教小衅致上貽

君父

之憂此豈尚有常理之可循而歸好尋盟重訂欵議又豈有舊約之可援事故之乘未底于極後有君子所恃謹微杜漸因應無方先時而弭其變則究是編者抑無取夫顛已守常妹馬自悅其故迹而已

光緒庚子冬月撫湘使者俞廉三撰并書

余

三

春秋講求交際會盟聘問史不絕書往
往朝尋干戈暮執玉帛勢不能無強弱
而終歸於修好以息民至若屈完蒞師
齊兵退舍鄭僑入館晉人毀垣國賴有
人尤其明驗天道運行日益啓闢環球
萬國周遭附立鄒衍大九州之論至今
日而昭若彗蒙中朝文明歷時久遠自

市禁既弛先後訂約凡十餘國交涉遂
繁西人挾其智能以相凌駕而游歷傳
教之在內地者每以風氣未開民情疑
貳睚眦修怨索地賠款邇年扶桑之役
膠州之案日甚一日復釀令歲聯兵之
禍致使

乘輿西幸

九廟震驚天下臣民同深義憤吾獨不
解幅員如斯之廣兆庶如斯之衆胡為
積弱至此往者通變之方薦紳不道而
資以學習又皆年少無根柢之人雖粗
曉語言文字製造之法不足以識大體
以是教堂林立商舶雲集地方有司罔
悉機宜一旦有事瞠目束手應付乖方

要挾愈甚茲其做也山陰 俞廡軒中
丞開府湖湘於節署東偏初農工商
務局選察吏之通達時務者於其中攷
訂條約始康熙己巳迄光緒己亥癘者
刪之新者補之為門十三類二十九都
三十有八卷繪圖列表以蔡伯浩觀察
愬其成既畢後屬記緣始余惟醫之精

者不泥古方射之善者期中準的居當
世而思閉閤自守愚者知其不能況昔
之及於門戶者今且進於堂階矣昔之
進於堂階者今且逼於卧榻矣而猶惛
然不知所以應之可乎誠即是書求之
陸行之車舟行之楫於是焉在杞憂方
深補牢未晚海內志士其覽觀焉戶部

余

侍郎湖南督學使者歷城吳樹梅書

三

序

天下事有時有勢昔元祖全盛之世舉
舟師十萬覆於五龍山之役勢不及也
漢室初興以高皇之雄武文帝之明睿
圍平城徧甘泉而卒就和親之議時未
至也勢絀於地時困於天惟有修人事
以善持之然則詰戎練武之實講信修

睦之文二者宜亟畜矣自泰西互市和約
婁更傳教通商往來如織

朝廷所以聯好平爭無微弗至章程修
布書不一家而固圉經遠之道弗精弗
詳重關洞開臥榻延客廩、乎實去文
存君子病焉湖南之有洋務後於諸行
省光緒戊戌山陰 俞公來撫是邦始

開農工商務局遠奉

旨飭纂約章頒行遵守命蔡伯浩觀察
董其事觀察博通今古周知外務輯為
斯編鉤稽詳覈圖表尤精言交涉者莫
先是書既成屬先謙序其首而其時值
聯軍入都
六飛幸陝瞻望西北執筆泣然者久之

昔韓宣子見易象與春秋曰周禮盡在
魯矣春秋者公羊傳云不修書也由孔
子筆削上推之想見當日史臣紀述之
詳文章之美魯稱秉禮有以也邦交禮
之大端也仰維

國家飭纂約章之意所以輯和遠裔戒
約官民至周且厚今環球諸邦有由春

秋入戰國之勢干戈滿目而煙墨弗疲
吾其為秉禮之魯乎奮而為元也地域
之其終為漢則有天馬目觀察以論
俞公所為脩人事以善持之者又當何
如也

光緒二十六年歲次庚子冬十月長沙
王先謙謹敘

余

三

例言

一自各國互市口岸既開約章遂夥其輯本刊行者若類編若彙纂若纂要書不一家彙纂刊自北洋頗爲賅備惟庚辰以後續纂闕如是書略仿彙纂義例分條約章程成案各按門類先後編輯始康熙己巳迄光緒己亥廢者刪之新者增之庶幾昔人文省事增之意焉

一 是編分門別類總目曰門子目曰類凡分門者十有三分類者二十有九附於各類之後者三訂約門誌緣起也交際門篤邦交也爲類四曰遣使曰設官曰儀文曰優待保護傳教門安民教也爲類三曰傳教曰游歷曰游學口岸商務門重關市也爲類十曰貿易曰貨稅曰船鈔曰稽罰

曰改運曰權度曰免稅曰稅則曰單照曰各關關章內地
商務門示限制也禁令門肅法紀也爲類二曰違禁曰法
禁獄訟門息爭端也爲類五曰控斷曰凌害曰命盜曰錢
債曰捕務傭工門勸工藝也爲類二曰傭役曰招工選募
洋將借材異地者坵馬疆界門正疆域也償郵門紀賠抵
也租建門安行旅也行船門利攸往也路礦電綫門擴利
源也各自爲類而郵政賽會坵馬都爲卷三十有八
一是編於圖表特詳補彙纂諸書所未備蓋旁行斜上之體
創自龍門而左圖右書尤爲古人並重故刻意鉤稽頗極
詳審凡爲表者六各國立約年月表通商征稅比較表通
商水陸口岸停泊租借處所表遣使各國編年表口岸淨

樁燈塔表各省鐵路軌道表爲圖者八通商水陸口岸停泊租借處所圖各省電綫連接圖各省鐵路勘設軌道圖海岸行船水綫圖口岸浮樁燈塔圖釐定各等寶星圖各國官商旗式圖行船通意旗式圖各附本類用便檢閱

一各國約章凡一約兼數事者既編入一類餘概不錄全文祇存其目見某門類以免繁複而歸簡要

一各國約章以先定之國爲主凡後訂之約與先訂之約全同者刪其文註曰與某約第幾款同其略異者註曰與某約第幾款略同仍將異處附註於下其或意同而詞句詳略不同者則錄詳刪略仍註曰與某約第幾款略同至某句止庶免重疊混淆

一是編所刪各約如俄之改訂中俄陸路通商章程已將前訂之陸路通商章程改訂俄陸路通商章程併入一約則前二約可刪日本改訂馬關新約則前修好之約可刪修改長江通商章程則前之長江通商通其章程及各口通商統其章程凡有不合於修改新章者均可刪凡此諸類概從芟蕪匪獨免重複之譏亦且少歧誤之弊

一是編所收章程有三一爲各國所訂通商善後章程訂約時附在條約後者卽條約也一爲各國互允之章程如各口通商章程及修改長江章程之類既經互允與條約同故均列於條約之後以歸畫一一爲奏頒及總署核定章程或專指一事或通行各省或因勢爲變通或隨時爲損

益與條約相輔而行故錄於條約之次

一長江章程既經修改與通商各口辦理相同故商務一門概曰口岸不再分晰惟陸路與口岸略殊故貿易貨稅稽罰改運各類均先列口岸次列陸路以示區別

一 是編所輯各式單照向各關遍加蒐採較類纂特詳又復註明原委以期適用

一 鐵路礦務電綫郵政四類爲類纂諸書所未載然軌路通行上達畿甸礦產行銷遠及外洋電綫已徧各行省郵政亦逐漸推廣爲中國一大利源故徧採中外章奏以及互訂合約辦理章程分類錄入策時要政斯爲嚆矢

一 是編間有攷訂異同發明修改及各國約章因譯文齟齬

字句費解之處必申以已見附謹按數語錄於正文之後以備參攷

一是編所輯增於彙纂者十之六皆係奏定之新章頒行之成案一切私家撰述概不闌入

一近年交涉日繁疊奉

諭旨飭纂約章分行各屬俾知遵守時湘省適開農工商務局 山陰中丞命修是編委乃煌總其事其編輯全書用力最勤者爲羅典籍維翰而王明府士芬羅明府葆祺陳明府慶森方明府兆霖沈明府偉章明府倬漢皮明經嘉祐陳上舍希哲或佐搜討或預校讐均與有力焉書旣成乃呈請 中丞鑒定而付之剞劂庶辦理交涉者有攷焉

光緒二十六年冬十月上澣番禺蔡乃煌伯灝甫識於長沙

勺聖子頁單

長命凡例

身